



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 3. Eadem urbs per Joannem Hunniadem obsidione liberata

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)



quarto Constantinopolin occupaverat, Sæcul. XV. A.C. 1456.  
 suum conflavit exercitum, ac superatis Thraciæ montibus usque ad Danubium  
 flumen penetravit, & in mense Junio Anno millesimo quadringentesimo quinquagesimo sexto urbem Belgradum (ab aliis Alba-Græca nuncupatur) obsidione cinxit. Jam olim Amurates Mahometis Patris hanc eandem urbem septem mensibus oppugnavit, sed turpiter obsidionem solvere coactus est. Verum Mahometes exercitus sui potentia, ac propriæ suæ fortitudinis fiducia elatus, non solum eandem Patris sui sortem sibi nullatenus timendam esse credidit, verum etiam cetera jamjam regna, quæ capta semel hac civitate, subjugaturus esset, spe sua dimensus est, totamque Hungariam, Germaniam, atque Italiam armorum suorum victimam destinavit; Verum Deus in momento cuncta ejus temeraria dissipavit consilia.

*Nauclet.*  
*vol. 3 gener.*  
*49. p. 479.*

*Æn. Sylv.*  
*Europ. c. 8.*  
*& Boh. c. 6.*

## §. III.

*Belgradum per Joannem Huniadem  
 obsidione liberatum.*

Huniades, strenuus ille Bellidux, copias suas ad Danubii oram admovet, Belgrado suppetias laturus; Cum vero Turcæ transitum occlusuri accurrerent, res ad pugnae necessitatem pervenit. A-

G g 2      cerri-



Sæcul. XV. A.C. 1456. cerrimum utrinque prælium committitur, atque infidelibus invicto robore certantibus diu accipiti Marte dimicatur,

*Chalcondyl.  
Hist Turc.  
lib. 8.*

tandem vero plena penes Huniadem stetit victoria, qui trajecto flumine cum toto suo exercitu, ac Joanne Capistrano Crucesignatorum Prædicatore Victor urbem ingressus est, haud explicabili lætitia ab obsessis exceptus, quorum quivis pro defensione urbis vitam, & sanguinem profundere pollicitus est. Nihilominus Turcæ hac suorum clade nullatenus animo fracti urbem tormentorum ictibus quate- re haud desistunt, saltem per eversi muri ruinas ingressum tentaturi; nec sua eos spes fallere videbatur; ampliori enim moenibus illata strage Turcæ pluribus in locis scalas urbi applicarunt, ut hoc stragemate obsessos ad copias suas ubique dispertiendas compellerent. Verum tam Christianis quam Turcis par erat resistendi pertinacia, & infracta pugnantium virtus. Utriusque etiam exercitus Duces suorum quisque militum animos verbis & exemplo confirmare certabant, unde ingens utrinque cædes. Postera die Turcæ multo majore furore quam unquam in urbem rursus iruebant, infausto tamen successu; quippe Cazanes Bassa omnium Ottomannorum Belliducum longe præstantissimus, cum Imperatoris sui jussa executurus, incautius longius-



longiusque in hostium cuneos abripere- Sæcul. XV.  
 tur, trucidatus occubuit, ipso Sultano A.C. 1456.  
 proxime inspectante, mortemque sui Bel-  
 liducis immodico dolore, ac ferme ad de-  
 sperationem usque deplorante. Maho-  
 metes ipsemet in crure vulnus accepit,  
 quod tamen haud lethale existimans, co-  
 piis suis imperia dare, & ipse dimicare  
 non cessavit.

## §. IV.

*Extrema Turcarum clades.*

Certe tanta intrepidi animi virtus Ma Naucer.  
 hometi victoriæ palmam asseruisset, ibid. p. 480.  
 nisi Janissari præcipiti fuga, totoque pe-  
 dum studio sese ex prælio recepissent. E-  
 quidem Mahometes omnem impendit o-  
 peram, ut fugitivos in officio contineret,  
 sed irrito prorsus conatu; quippe illi tam  
 precibus, quam minis surdas præbuerunt  
 aures, quapropter obsidionem solvere  
 coactus est, desideratis suorum plusquam  
 quadraginta millibus.

Ladislaus Hungariæ Rex, cum tantam  
 victoriam sibi polliceri minime auderet,  
 quinimo Christianorum vires potentissimis  
 Turcarum copiis resistendo impares cen-  
 feret, sub venationis obtentu Viennam tan-  
 ta festinatione sese receperat, ut accepto  
 etiam prosperi hujus prælii nuntio, diffi-

G g 3

dentlæ